



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

LII. Interdicti vel excommunicati si diuina praesumpserint officia celebrare, perpetuo sunt deponendi, nisi multitudo sit in causa. Multi vero sunt quadraginta.

urn:nbn:de:hbz:466:1-15588

ANNO
CHRISTI
1179.

satores idonei minime apparuerint, qui eumdem de homicidio conuincere possint, vt cum septima vel quinta manu sui ordinis, sicut expedire cognoueris, per purgationem canonicam innocentiam ostendat, sibi iniungas: quam cum præstiterit, suspensionem sine mora & difficultate relaxes: & eum testimonii boni annuntians, ab infamia homicidii, nullius contradictione vel appellatione obstante, auctoritate nostra fretus, absoluas. Is autem qui infamatus, se se immunem a crimine homicidii, præstito iuramento firmabit, & purgatores qui eum credant verum iurasse, iurare debebunt.

C A P. L I. *Alexander tertius Toletano archiepiscopo.*

Latores præsentium cum literis tuis ad nostram præsentiam accedentes, suum nobis excessum plenius intimauerunt; scilicet quod tam ipsi quam alii multi, postquam interdicti & excommunicati fuerant, diuina præsumperunt officia celebrare. Quoniam vero cum is magnam multitudinem in hoc peccasse dicebat, nec nobis, quis eorum magis vel minus deliquerit, innotescere potuit: negotium ipsum discretionis tuæ arbitrio duximus remittendum, fraternitati tuæ per apostolica scripta præcipiendo mandantes, quatenus rei veritate diligentius inquisita, si quadraginta solummodo vel pauciores in his deliquisse constiterit, omnes in perpetuum ab officio sacerdotali deponas. Si vero multitudinem magnam in hoc peccasse cognoueris, eos quos magis causam esse delicti constiterit, perpetua depositione condennes, & alios qui non tantum deliquerunt, ab officio ad tempus suspendas, & omnibus poenitentiam secundum discretionem tibi a Deo datam iniungas.

C A P. L II. *Idem Lucensi episcopo.*

De secunda vero quæstione, hoc tuam volumus discretionem tenere, quod propinqui eius quem pro manifestis excessibus, videlicet homicidio, incendio, violenta manu iniectione in clericos, violatione multarum ecclesiistarum, & incestu, vinculo excommunicationis adstringis: monendi sunt, vt pro eo satisfactionem exhibeant; quod si fecerint, qui laborans in extremis, præstito iuramen-

ANNO CHRISTI 1179. * f. obtinuerit
mento per presbyterum * tenuerit ab excommunicationis sententia relaxari, in coemeterio sepeliri poterit. Si autem propinquus eius tuis acquiescere monitis contradixerint, quia iam non est peccatum purgatum, defuncto neganda est ecclesiastica sepultura.

CAP. LIII. *Idem Vvintoniensi episcopo.*

Præterea qui ad sedem apostolicam appellant de clericis, & postea grauia & enormia committentes, se, cum conueniuntur, tuerintur appellatione: hoc duximus respondendum, quod si post appellationem grauia committunt, & ita publice & manifeste, quod alii scandalizentur, & decor ecclesiasticae honestatis deformetur, eos appellantes ^{Supra de appellat.} Quod vero in tanta nequitia & iniquitate non debes tueri, quo minus ^{3.} coram te excessus canonica censura puniatur. Porro de his qui sententia excommunicationis innodati, iurant ecclesiæ iudicio stare, & mox oblii, in vocem appellationis prorumpunt: discretioni tuæ significamus, quod eos per ex-^{Supra de appellat.} Præterea communicationem compellere debes suam appellatio-^{29.} nem prosequi, vel iudicio ecclesiæ stare.

CAP. LIV.

Idem Bononiensis episcopo & archipresbytero.

Consuluit nos vestra dilectio, vtrum appellatio, quæ ab omni grauamine interponitur, teneat. Super quo utique consultationi vestrae taliter respondemus, quod si forte generaliter appellationem interponeret aliquis ab omni grauamine, quod sibi contingere posset, huiusmodi appellatio tenere non debet. Si vero aliquis ab aliquo iudice super omni grauamine, quod in una causa sibi contingere possit, appellationis obstaculum interponeret: quamquam generalis appellatio sit interposita, appellationi tamen huiusmodi est deferendum.

CAP. LV. *Idem Norovicensi episcopo.*

Si sacerdos sciat pro certo aliquem esse reum alicuius criminis: vel si confessus fuerit, & emendare noluerit, nisi ordine iudicario quis probare possit, non debet eum nominatim redarguere, sed indeterminate, sicut dixit Christus: *Vnus vestrum me traditurus est.* Si vero ille cui damnum il-

Matth. 26.
Marc. 14.

Concil. Tom. 27.

Ccccc